

此是如來所應修行，非是天龍鬼神所及也。所以然者，父母生子，多有所益，長養恩重，乳哺懷抱，要當報恩，不得不報恩。

## 賢愚因緣經

佛語阿難：出家在家，慈心孝順，供養父母，計其功德，殊勝難量。所以者何？我自憶念過去世時，慈心孝順，供養父母，乃至身肉濟救父母危急之厄，以是功德，上爲天帝，下爲聖主，乃至成佛，三界特尊，皆由斯福。

## 目連問五百輕重經

問：比丘教白衣不祭一切亡人，爲是理不？答：非。假使父母不食，敬心供養，亦得其福。問：人出家，王法父母不聽，爲得戒不？答：不得。